


Ka Poresidente Thomas S. Monson



Neo ya Boikotlhao

“**M**aikarabelo a rona ke go tsoga go tswa mo makoeng go nonofo, go tswa go go palelwa go go atlega,” Poresidente Thomas S. Monson o rutile jalo. “Tiro ya rona ke go nna molemo mogolo. Nngwe ya dineo tse dikgolo bogolo mo go rona tsa Modimo ke boitumelo jwa go leka gape, gone ga gona go palelwa mo go tlhokang go nna ga bofelo.”¹

Gantsi re tlaetse go simolola ngwaga o mosha ka boikaelelo le mekgele. Re swetsa go tokafala, go fetoga, go leka gape. Gongwe tsela e e bothokwa thata e re ka e lekang gape ke ka go tlamparela se Poresidente Monson a se biditseng “neo ya boikotlhao.”²

Mo kinolong e e latelang go tswa mo dithutong tsa gagwe e sa le e nna Poresidente wa Kereke, Poresidente Monson o re gakolotse go “diragatsa madi a tetlanyo ya ga Keresete gore re ka amogela boitshwarelo jwa dibe tsa rona, e bile dipelo tsa rona di ka itshekisiwa.”³

Kgakgamatso ya Boitshwarelo

Rotlhe re dirile ditshwetso tse di sa siamang. Fa re ise re siamise ditshwetso tseo, Ke a lo solofetsa gore go na le tsela ya go dira jalo. Tsela eo e bidiwa boikotlhao. Ke a lo kopa go siamisa diphoso tsa lona. Mmoloki wa rona o re swetse go tlamela nna le wena ka neo eo e e segofaditsweng. Le fa gongwe tsela e se motlhofo, tsholofetso e tlhwaafetse: ‘Le fa dibe tsa gago di le dihibidu, di tlaa nna ditshweu jaaka kapoko’ [Isaia 1:18]. ‘Mme Nna. Morena, ga ke di gakologelwe ka gope’ [D&C 58:42]. Se beye botshelo

jwa gago jwa bo sa khutleng mo diphatseng. Fa o dirile sebe, ka pela o simolole go dira go boela morago, ka pela o tlaa bona kagiso e botshe le boitumelo jo bo tlaang le kgakgamatso ya boitshwarelo.”⁴

Boela mo Tseleng

“Le ntswa go le bothokwa go ikgethela ka bothale, go na le nako e re tlaa dirang ditswetso tsa boeleele. Neo ya boikotlhao, e e neetsweng ke Mmoloki, e re nonotshetsa go siamisa ditselana tsa rona, gore re ka boela mo tseleng e e isang go kgalalelo ya selesetiale e re e batlang.”⁵

Go Boela Morago

“Fa mongwe wa lona a leofile mo loetong la gagwe, Ke mo solofetsa gore go na le go boela morago. Tsela eo e bidiwa boikotlhao. Le ntswa tsela e le thata, poloko ya gago ya bosakhutleng e ikaegile ka yone. Ke eng se se lekaneng bonatla jwa gago? Ke a le kopa gore lo thomame gone fa le jaanong go tsaya dikgato tse di tlhokegang go ikwatlhaya ka botlalo. Ka pela fa o dira jalo, ka pela o tlaa itemogela kagiso le tsisibalo le tsholofetso e e builweng ke Isaia [bona Isaia 1:18].”⁶

Batho ba Ka Fetoga

Re tlhoka go gakologelwa gore batho ba ka fetoga. Ba ka tlogela mekgwa e e maswe. Ba ka ikwatlhela ditlolo Ba ka tshegetsatsa boperesiti ka boitekanelo. Mme ba ka direla Morena ka tlhwaafalo.”⁷

Ba ka Nna Phepa Gape

“Fa go ka nna le sengwe se se sa siamang mo botshelong jwa gago, o bulegetswe ke tsela ya go tswa. Emissa tshiamololo epe. Bua le bishopo wa gago. E ka ne e le mathata a fe, a ka baakangwa ka boikotlhao jo bo siameng. O ka nna phepa gangwe gape.”⁸

Karolo e e Botlhokwa ya Mmoloki

Botlhokwa go togamaano [ya poloko] ke Mmoloki, Jeso Keresete. Kwantle ga setlhabelo sa tetlanyo sa Gagwe, gotlhe go ka latlhega. Ga go a lekana, le fa go ntse jalo, fela go dumela mo go Ene le thomo ya Gagwe. Re tlhoka go dira le go ithuta, go batla le go rapela, go ikwatlhaya le go tokafala. Re tlhoka go itse melao ya Modimo le go e tshela. Re tlhoka go amogela ditlhommo tsa Gagwe tse di bolokang Fela ka go dira jalo re tlaa amogela boammaaruri, boitumelo jo bo sa khutlheng.”⁹

DINTLHA

1. “The Will Within,” *Ensign*, May 1987, 68.
2. “Choices,” *Liahona*, May 2016, 86.
3. Mosaeya 4:2
4. “The Three Rs of Choice,” *Liahona*, Nov. 2010, 69.
5. “Choices,” 86.
6. “Keep the Commandments,” *Liahona*, Nov. 2015, 85.
7. “See Others as They May Become,” *Liahona*, Nov. 2012, 68.
8. “Priesthood Power,” *Liahona*, May 2011, 67.
9. “The Perfect Path to Happiness,” *Liahona*, Nov. 2016, 80–81.

GO RUTA GO TSWA MOLAETSENG O

Rona rotlhe ga re a itekanela—fela ka neo ya boikotlhao e e diragaditsweng ka setlhabelo sa ga Jeso Keresete re ka phepafatswa mo sebung le go tokafatsa matshelo a rona. Akanyetsa ka fa go buisana le bao o ba rutang go ka siamisang ditsela tsa rona” ka boikotlhao. Ba utlwile jang go atumelana le Rara wa Legodimo le Jeso Keresete ka diphetogo tse ba di dirileng mo matshelong a bone? O ka laletsa bao o ba rutang go kwala maikaelelo a semowa a ngwaga o moshale go nna le maikarabelo go tsala, mogatse, kgotsa mongwe wa leloko la lelwapa go go tswela ga bone.

BANANA

Swetsa go ikwatlhaya

Poresidente Monson o tthalosa gore “maikarabelo a rona ke go tsoga mo bokoeng go nonofo, go tswa mo

go palelweng go atlega. Tiro ya rona ke go nna molemo bogolo.” Bontsi jwa batho bo tshwaela Hirikgong go dira mekgele le maikaelelo a go tokafala: go nyenya thata, go ja sentle, kgotsa go ithuta botswerere jo bosha. Le fa ntse ekgele e e ka go thusa go fetoga go nna botoka, tsela e e molemo ya go fetoga ke ka boikotlhao.

Le fa boikotlhao bo ka nna thata, ke neo! Jaaka fa re ikaega ka Jeso Keresete ka go ikwatlhela dibe tsa rona, re nonofile go gola le go tswela. Poresidente Monson a re, “Botlhokwa go togamaano [ya poloko] ke Mmoloki, Jeso Keresete. Kwantle ga setlhabelo sa tetlanyo ya Gagwe, gotlhe go ka latlhega. Ka boikotlhao, o ka tlhatshwiwa go nna phepa go dibe le go tswela go nna thata jaaka Ene.

Akanya ka sengwe se se ka go thibelang go nna jaaka Mmoloki. A ke puo ya gago? Ka fa o tsayang ditsala kgotsa lelwapa? Morago ga go akanya se o ka se tokafatsang, rapela Rara wa Legodimo mme o supe keletso ya gago ya go fetoga. Gakologelwa gore ka thata ya Tetlanyo ya Gagwe, Jeso Keresete o ka go thusa go fenywa boko jwa gago. Jaaka Poresidente Monson a ruta, Neo ya boikotlhao, e e neetsweng ka Mmoloki wa rona, e re nonotsha go siamisa ditselana tsa rona.”

Le fa maikaelelo a ngwaga o moshale a ka re thusa go gola, tsela e e molemo go fetoga ke ka boikotlhao.

Bona le gone “Eight Myths about Repentance” at lds.org/go/1186.

BANA

Boikotlhao Ke Neo

Neo ya boikotlhao ga se neo e o ka e bonang le go ne kgoma. Ka gone, ke neo e o ka e utlwang. Se se raya gore fa re dira tshwetso e e sa siamang, re ka ikwatlhaya le go utlwa kagiso le boitumelo gape.

Rara wa legodimo le Jeso ba tlaa re thusa go ikwatlhaya. Tshwantsha setshwantsho go tsamaelana le kga-tso nngwe le nngwe e e farologanyeng ya boikotlhao.

Re utlwa botlhoko

Re rapela go Rara wa Legodimo, re mmolelela se se diragetseng, le go kopa thuso ya Gagwe go dira tshwetso e botoka nako e tlang.

Re ikopa maitshwarelo le go leka go dira botoka.

Re utlwa kagiso le go itse gore re itshwaretsewe.



Tumelo, Lelwapa, Thuso

Ikgolaganye le ena nako nngwe le nngwe, gongwe le gongwe, tsela nngwe le nngwe

*Thuto ya Tekolo ke ka go direla. Jeso o diretse nako le nako le gongwe le gongwe.
Re ka dira mo go tshwanang.*

Go “direla” ke go naya tirelo, tlhokomelo, kgotsa thuso e e nayang kgomotso kgotsa boitumelo jwa yo mongwe. Thuto ya tekolo ke go lemoga ditsela tsa go direla go bao o ba etelang. Jeso Keresete o direla go botlhe—nako ngwe le ngwe le gongwe le gongwe. O jesa ba ba 5,000, a gomotsa Maria le Maretha ka loso la kgaitساديا bone, le go ruta efangele ya Gagwe go mosadi kwa sedibeng. O go dirile ka ntlha ya lorato la Gagwe le le tlhwaafetseng.

Go sala morago sekao sa Gagwe, jaaka baruti ba tekolo re ka itse le go rata kgaitساديا mongwe le mongwe yo re mo etelang Fa re rapelela tlhotlheletso go itse ka fa re ka mo direlang ka teng le go mo thusa go nonotsha tumelo, “baengele ga ba kake ba kganelwa go itsalanya le rona.”¹

Go tswa mo setlhopheng sa Mokgatlo wa Thuso ka 1842 go

gompiano, go direla ga bomme go segofaditse matshelo. Ka sekai, Joan Johnson, motlholagadi wa dingwaga tse 82, le mopati wa gagwe wa thuto ya tekolo ba etela le go ruta moagisanyi wa bone o o 89 e bile a na le botlhoko jwa lohuba. Ba ne ba bona gore moagisanyi wa bone o ne a sa ba tlhoke gangwe mo kgwedding, jalo ba simolola go mo tlhola beke nngwe le nngwe ka bo bone le ka mogala.

Go ba bangwe baruti ba tekolo, go romela molaetsa kgotsa go romela molaetsa ka maranyane go rotloetsa e ka nna selo se se molemo go se direla kgaitساديا kgwedi eo. Go dira kgolaganyo ka bowena le go reetsa ka mokgwa wa lorato go botlhokwa go thuto ya tekolo. Maranyane a malatsi ano le go tlotla go etela go lebanwe go re thusa go e dira nako le nako, gongwe le gongwe, le ka ditsela tse dintsi.² Ke go direla jaaka Jeso a dirile.

DINTLHA

1. *Teachings of Presidents of the Church: Joseph Smith 2007*, 454.
2. *Bona Handbook 2: Administering the Church* (2010), 9.5.1.

Akanyetsa Se

Re ka emisa jang go tshwenyega ka se se “balwang” go thuto ya tekolo mo boemong jwa go lebelela se kgaitساديا mongwe le mongwe a se tlhokang go tswa go baruti ba tekolo?

Go Direla

Go na le molaetsa o o rileng, kgwedi nngwe le nngwe tsebe e e tlaa akaretsa molawana o o farologanyeng go re thusa go direla thata mo go tlhaga go mongwe le mongwe. Jaaka fa o rapela le go batla tlhotlheletso, o tlaa itse molaetsa wa semowa le tirelo e kgaitساديا mongwe le mongwe a e tlhokang.